

善化縣志

44270.15

34

178



善化縣志序

書曰事不師古鮮克攸聞又  
曰學古入官議事以制維語  
亦曰不習爲吏眎已成事然  
則膺百里綰銅章辨土經疆  
達情通欲其所有事苟不徵

序

文考獻沂源溯流凡民性剛  
柔之異山川物產之殊氣數  
之剝復靡常習尚之淳澆不  
一將何所藉以悉其偏而救  
其弊諳其俗而善其宜今天  
下自國史而外若省若郡若

邑莫不有志所以紀得失於  
往代垂法戒於方來者也昔  
江文通謂作史難而作史中  
之志尤難搜竒探異揚權古  
今匪博不該傳疑徵信芟滌  
繁蕪匪識不精奧旨微文義

序

二

存筆削匪直不衷以嚴正爲  
主華袞袞而斧鉞貶史也以  
長厚爲主善善長而惡惡短  
志也善自宋元符建設以來  
舊未有志有之自前明武陵  
唐公始迨

國朝康熙乙丑高淳孫公繼修  
之凡阨塞險要并疆賦稅遠  
不漏實近不遮浮補闕拾遺  
朗然方策顧垂今六十餘年  
星移物換其間官師之升沉  
政治之沿革以及忠臣義士

序

三

孝子順孫皆待表揚以信今  
而傳後儻若湮沒不彰更越  
有歷年篇殘簡斷何以謝缺  
典於後人也余自乾隆丁巳  
簡發來楚由北而南臨蒞所至若

衡陽若安鄉若祁陽若平江

若臨湘奔走數千里采風問俗罔棄幽遐丙寅秋蒙

上憲調繁茲地稽故實閱舊文竊爲此懼思集邑之紳耆加新葺以繼前志乃謀於廣文李君經始其事因以纂修

序

四

屬之刑曹主政張君孝廉李君熊君明經劉君逾半載而稿脫旁搜遠紹集腋成裘華實兼收細大具舉余綜核而讐校之旣以自喜而因以自勗也夫善爲湘嶽鍾靈川原

之勝甲於他所攷諸舊志云  
士多廉隅民尚忠義又云民  
樸而淳其性決烈而勁直加  
以晦菴南軒倡化於前其父  
西山揚徽於後流風善政猶  
有存者第恐承平日久物熾

序

五

而豐當省會之衝衢爲五方  
之雜處酒食交遊相徵逐不  
無漸漬囂漓頓忘其古處者  
其何以使之引養引恬以樂  
桑麻以安幹止雷厲而風行  
家絃而戶誦也間嘗自訟曰

治民如理亂絲也今緒清縷  
晰能乎亦如烹小鮮也今火  
調水濟能乎生齒日浩繁也  
而富庶能無憾乎催科安政  
拙也而撫字能有效乎先事  
之圖後事之慮皆官斯土者

序

六

所不可廢顧余不敏夙夜之  
兢兢靡有寧處時懷求牧之  
憂恐負距心之罪幸數年來  
宿弊稍清訟庭閒寂得以公  
餘之暇藉手觀成因付諸劄  
劄而弁數言於簡端俾後之

人按籍而求不致嘆杞宋無  
徵貽譏殘缺於以昭示來茲  
爲一方之信史或不無小補  
云是爲序

峕

乾隆十二年季冬月望二日

序

七

知湖南長沙府善化縣事  
嶺南魏成漢雲倬氏題



誌之爲義。從言從志。惟詩言志。而二南著其始。列國昭其變。雅頌具其禮樂。故實可採。媿慝可鑒。蓋詩中有史矣。乃誌也者。其事則乘。而無取駢麗。其文則史。而弗諧聲偶。徵文足獻。考古鏡來。據人心之憤發。垂一代之典章。謂誌爲詩之遺也。可。我國家例自一統而下。郡有郡誌。邑有邑誌。而善邑缺然。創之自今日。唐侯始誠曠舉也。楚地最大。而潭甲諸郡。控御爲艱。方城以內。始合而析。再合而再析。獨以邑據嶽麓之勝。狎主山盟。在昔爲名賢講習之所。一時人士彬彬善化。縣志

卷之一

舊序

一

顧化。於是乎地以人重。而善化之名稱焉。循名思義。吏茲土者。宜用癘癘矣。賈生號通達國體。其策治安。至薄簿書期會爲細故。而以移風易俗。非俗吏之能。愚不敢謂然。抑其時禹貢猶餘。秦燒未盡。加以漢高寬仁。孝文恭儉。物力易復。人共其生。議者不得不先教化。而今何如也。善乎孟子之言曰。聖人治天下。使有菽粟如水火。菽粟如水火。而民焉有不仁者乎。竊以爲欲富而教。舍簿書期會。無足術者。蓋事無細大。理無雅俗。浮涉之則錢穀刑名之具。精行之皆經濟道德之猷也。是故戴星而入。可以教勤。予不先期可。

以示信。弛罰緩用。可以昭儉。省耕察鋤。可以重時。矜情字弱。可與宣慈。尚德貴齒。可與明讓。立苗去害。可與臥赤。校藝升俊。可與興學。飭保伍。申鄉社。可使席帖而歌。紉汰治表。貞獎恬抑。競可使礪節而砥行。諸如斯類。有好必甚。服而習之。風俗自同。嘗觀孔子攝相三月。用魯一變之意。必有驚世幻俗之爲。而事道獵較。取供簿正。以此化民。以此及物。始信庖丁之解牛也。以無厚入有間。恢恢餘地。進乎技哉。夫有一事。曰具一本。正其本。事自理。謂簿書期會。不可語於移風易俗。是釋斧斤芒刃之用。而奏耒耨理解之効也。善化縣志

卷之一 舊序

二

必不幾矣。昔人身都三公。恨未爲令。而今昔勢殊。掣肘借喻。抑聖詰之觀政。與末世之采風。莫可同語。又在各行其志。爾唐侯爲政三年。潔已愛民。我誨我植。日有最績。因以其政著爲誌。舉舊告新。嘉會良遠也。愚爲之次。其畧如此。

又序

明陸寬教諭

星沙於楚爲鉅郡。茅土所胙。國家倚爲長城。善化隸之。稱最劇焉。邑故未有志。御事者披牒問言。輒相與咨嗟。而囁于載筆。歲庚戌。崑來唐先生蒞茲土。搜掌故。知邑志缺狀。慨然曰。是何以徵文考獻。宏化宜民。

乎哉屬以車甫下謙讓未遑而且歲有旱魃野有蜚  
鴻寧其以撫循先撰述蓋越三載政通人和而始殫  
心於斯役也邑建置雖舊紀載頗多荒落於是以蒐  
葺討究屬吳子道行而其大旨則依景臺黃公所定  
云公負直行富藏書援証持議卓有可據先生虛心  
諮訪折衷其肯綮而組藻其精華師虞之又同繹之  
以俾寬校刻焉先生之言曰今天下自國史外郡若  
邑莫不有志善化當楚孔道舟車繹絡民勁悍媮生  
而鮮積聚緝錢踐更有租調之供逋逃有淵藪幾不  
可問以至澤宮之風氣湖南之水利古道之修復一  
善化縣志

卷之一

舊序

三

切輿祛皆當事所亟宜圖者不佞受事按籍苦於無  
稽間出意匠經營變通之損益之叅訂異同則姑存  
其說於志以俟來者且茲編也未事二三已事七八  
上自天文下迨地理人物藝文之屬凡有關於政體  
者備錄之不厭其奢後之君子入疆問政則惟茲志  
在噫嘻此其意不亦闕廓深遠哉夫善醫者察脉手  
劑其存活在一時惟是辨症絜方著爲成書使天下  
後世獲操之以治病爲德始博先生之志則醫國之  
方而永賴之猷也在史檮杌夏乎尙已漢魏而下若  
荆楚歲時長沙岳陽風土諸傳記有典瞻如斯志者

哉書成當必有與墳典邱索并讀者

又序

明 吳道行 邑人

今天下憲往章來無弗以志徵者善邑創自宋元符間遞今五百年餘時事民生官聯文獻沿革損益不知凡幾變而可無志以紀之乎歲庚戌唐父師以兩浙名家蒞茲土輒雅意典故攷之志而志闕如也則憮然以爲慨屬不肖使載筆焉不肖惴惴謝不敏迄癸丑父師慮單於庶政神洽於四封百廢聿舉績用奏成重念志典不備謂一方文獻何遂毅然議撰著而仍以屬不肖夫子長八書必成之歷遊之後孟堅

善化縣志

卷之一

舊序

四

十志幾二十年始就而知我罪我卽夫子猶然有遺思不肖何人奚以稱塞益惴惴謝不敏乃嚴諭至再弗獲固辭而始飲冰受命爰竭愚陋博採詳蒐於省志郡志得十之四全史故籍得十之二而又叅之簿書所紀稽之鄉正所傳於是剏著成帙首列以圖治沿革謂先王畫地親民無先邑志也乃察變授時準之天文志星野分列壤衮用表厥鎮志地理民與習移化以振習志風俗最爾土毛民用是需則壤成賦倍歛可虞志物產志賦役麓湘帶礪藩屏是基志封建惟令與師政教攸資志職官登明顓俊蔚焉國器

志選舉流英布愷。德我吟黎。志官蹟。懿履闡。則人紀。人紀。志人物。笈登所駐。風範如在。志流寓。公堂體國。儲廩惠下。樂育矜。爲耀茲文明。志建置。志學校。思患除戎。禮祀崇報。異跡芳踪。仰止寄眺。志兵防。志祀典。古蹟。天人應感。可以徵變。志祥異。二氏蠶起。世且溺趨。志方外。裨書牕。纂足備周咨。志襍紀。若夫載事宣猷。抒靈寄興。文彩燦如。弗可湮也。志藝文。勉撰凡若千萬言。三閱月始就。不肖蕪陋無當。僅供搜葺。至於裁訂。綜核抽思。振蒸。父師以政優之下。一著定之。裕如也。尋謂典屬宏鉅。非至廣不能成。至要。稿甫脫。旣善化縣志

卷之一 舊序

五

以質之景臺黃公。悉爲論次。會吾師陸公來司風教。父師手是編。特托刪潤焉。則復與吾師饒公暨黃師伯仲。吳生愉相與揚確之。緝牘詮正。芟繁就簡。則陸公之力居多矣。始事於癸丑六月。以甲寅五月竣。役不肖幸藉手告成。非敢自謂一方信史。聊以載吾邑故實。俾不第廢耳。乃若得失知罪。不肖奚敢知。奚敢知。敬爲詳其由。若此。後之生斯宦斯者。於以敦紀宏化。亦惟茲志在。則是舉也。或亦千百年不朽之規。而唐父師之垂澤遠。爲德深矣。

又序

明 黃承中 附錄

善化於星沙爲首邑湘嶽鍾靈先賢過化俊義炳  
夫非文獻與區哉而邑固未有志也萬歷癸丑武陵  
唐侯始創之以彙集屬吳生道行而學博恕之陸公  
鄉達景臺黃公司裁訂焉存古則幽遐備具識今則  
鉅細兼該所稱一邦信史非耶余不佞獲縮符茲土  
徵文攷獻幸有茲志在乃刻本散軼無幾屢奉上臺  
檄取而杳無以應也且邇來世變多艱廢興靡一更  
宜詮次臚列於是仍屬吳生稽原本總時務詳核增  
損付之剞劂以告來者而予獨有感於晦明倚伏之  
故也以善之名邑其山川風景不依然往昔也乎乃  
善化縣志

卷之一

舊序

六

物力由豐而絀戶口由蕃而耗征歛由約而盈俗尙  
由淳而澆百度由舉而敝兼之兵興震鄰餉派日增  
余猥以謏陋拮据五年宵旦靡遑志所已事亟遵之  
志所未事亟行之環視提封謚如綏定以庶幾於邑  
志萬一而今且一割無裨弛擔以去余三復掄批覺  
愍且愧矣雖然茲志之所爲載也寧惟是侈景物艷  
觀美已耶將民風吏治必有隱約以見者後之君子  
因時考事因事稽籍於以抒猷遠化而維茲江河之  
趨則茲志詎一虛車云乎哉斯固余今日存志之意  
因僭附數言於簡端云

古今事物之理莫不載於經史至於經史所未詳者而志備之志顧不重歟然而難言矣夫志近於史而原於經作史不由於經則無本之辭蹄涔焉而已修志不宗乎史則無體之學均堂焉而已故曰修志之難同於作史善化爲星沙首邑湘嶽鍾靈名勝實甲於他邦而又經先賢倡教贊化一時文獻濟美當必有志而可以爲今日考鏡之林者邇其由來善之有志自明季萬歷武陵唐侯倬創之而續修於崇禎年蜀東黃侯過此遂無有繼起者矣謙自甲子五月來善化縣志

卷之一

舊序

七

縣竊以爲前事不終後人之耻矧恭逢

上典學右文

詔天下郡縣纂修通志以昭當代大典以故各憲檄取邑志以咨討論遂不辭固陋而力任修輯但善邑當禁地衝道疊罹逆寇蹂躪圖籍散軼斷闕卽間有殘編率多荒陋舛譌此修志所以難而修善邑之志爲尤難也今幸有紳士之多聞而賢者得以互相叅訂或綜厥綱或條厥目補缺增新丙以讐校不一載而志犁然具矣雖是志也在善言善屬管窺蠡見何足以備國書之採擇然一筆削一辯正無不以經爲

經以史爲緯綜事詞之紛綸市道法於一定是亦傳  
信不傳疑之書也則後之守十者而有事於志詎猶  
致嘆於考鏡之無自也哉

又序

國朝姚之年教諭

古人胙土建邑每因地命名宋以此而名以善化大  
納據其民天性勁悍須善以化之耶否則以其地割  
臨湘中湘之邊幅習尚各殊必化而至於同風一道  
非善政善教不可耶故曰善化也紹興以後朱張倡  
明理學談道講德時瀟湘有洙泗之風七澤之遙且  
翕然一變况邑人親炙其善而有不感化者乎嗣是

善化縣志

卷之一

舊序

八

劉共父真景元相繼守潭益闡揚晦菴南軒之教以  
爲政故元志云學者勤於禮耕者勤於力士風純古  
而好修則宋治之善至元而未衰可知已明之守令  
代有循良和民造士要皆不失先賢遺愛剏建惜陰  
修復城南而岳麓書院更加意振興與嵩陽白鹿并  
著於天下雖末造式微閭巷猶耻爲不善而相勸於  
善其感發不亦甚深乎我朝定鼎戡亂之餘聿隆  
文治凡保釐茲土者靡不拯士女之顛連而戢奸暴  
獎淳良端士習淑民情爲政爲教俱非前代所及夫  
以宋元明之善治若彼我朝之善治若此而乃文

獻無從典章弗備將上之所以化民與民之所以平  
心而向化者果何從而稽之哉孫父臺惓惓致慮甲  
子秋杪嘗與年商確舉行屬年公車北上不遑勸贊  
其事今年春部檄由省徵府府徵縣令各成信史俾  
周知阨塞險要山川風土人物耆舊戶口多寡強弱  
之數父臺遂獨任纂修年孟夏返署而藁脫過半因  
委以考成之責復何敢辭然綜核起草者趙生也揆  
蒞芟繁秩然有典而有則者父臺也年惟是樂觀六  
善之咸備又何容別出臆見以參之乎雖然邑志創  
於武陵唐侯繼之東晉黃侯時則有吳生道行應之  
善化縣志

卷之一

舊序

九

國朝重修於交城孫侯下署會稽陶公時則有李生  
有藻李生焜應之今則有趙生又昂應之數子居今  
稽古足供秉筆之任而或作或述不必借材異縣益  
可見是邑之多良而從來司教者之流澤遠德收矣

又序

國朝趙又昂 邑人

爲政非可按籍而求也本諸仁心措之仁政治天下  
無難矣一邑云乎哉然而建邦分土幅員有廣狹風  
俗有否臧損益沿革有得有失苟無簡策以徵之則  
興利除害不能周知物理民情因地制宜治化終扞  
格而無緒昔鄧侯入秦悉收圖籍助成漢業誠見天